

四庫全書

史部

欽定四庫全書

史部
尚史卷六至八

編修_臣李傳熊覆勘

總校官檢討_臣何思鈞

欽定四庫全書

尚史卷六

本紀五

鑲白旗漢軍李銘撰

周本紀

以下春秋

平王

平王名宜臼幽王太子也西戎犬戎與申侯伐周殺幽王驪山下諸侯即申侯共立宜臼是為平王

史記

紀年幽王死申侯立平王於申號公立王子余二王

並立余晉文侯所殺是為攜王

平王錫晉文侯秬鬯圭瓚作文侯之命

書序

平王立東遷于維邑辟戎寇封秦襄公為諸侯賜之岐以西之地平王之時周室衰微諸侯強并弱齊楚秦晉始大政由方伯

史記

王不撫其民而遠屯戍於母家周人怨思作揚之水以刺之

詩序

四十九年

隱元年

王使宰咺歸魯惠公仲子之賵冬十月

鄭以王師號師伐衛

討鄭公孫滑之亂

五十一年

隱三年

春二月

己巳日有食之三月王崩孫桓王立

左傳

桓王

桓王名林平王孫太子洩父子也平王崩太子洩父蚤

死立其子是為桓王

史記

初平王貳于虢王崩周人將畀虢公政鄭師取溫之麥

又取成周之禾桓王元年

隱四年

衛州吁弑其君完

桓公二

年

隱五年

王使尹氏武氏

周世族大夫

助曲沃莊伯伐翼翼侯

奔隨曲沃叛王秋王命虢公林父伐曲沃而立哀侯于

翼九月鄭以王師會伐宋三年隱六年如魯告饑魯為之

請糴于宋衛齊鄭四年隱七年使凡伯如魯聘還戎伐之

于楚邱以歸五年隱八年虢公忌父始作卿士于周八月

鄭伯莊公以齊人來朝史記三年鄭莊公朝王不禮五年鄭怨與魯易許田六年隱九年

年使南季周大夫聘魯宋公不王鄭伯為王左卿士以王

命討之伐宋八年隱十一年王取鄆劉為邾鄭四邑之田于鄭

而與鄭人蘇忿生之田溫原絺樊隰邱櫟茅向盟州陘

墮懷

凡十
二邑

冬十月

魯公子翬弑其君息姑

隱公

十年

桓二
年

宋督弑其君與夷十一年

桓三
年

秋七月壬辰朔日有食

之既十二年

桓四
年

使宰渠伯糾如魯聘冬王師秦師圍

魏秦執芮伯以歸

芮伯萬之母芮姜惡芮
伯故逐之出居於魏

十三年

桓五
年

使仍叔之子如魯聘王奪鄭伯政鄭伯不朝秋王以諸

侯伐鄭鄭射王中肩十五年

桓七
年

曲沃伯

武公

弑晉小子

侯

哀侯
之子

十六年

桓八
年

使家父

周大
夫

如魯聘曲沃伯滅翼

冬王命虢公醜立晉哀侯之弟緡于晉祭公逆王后于

紀二十三年

桓十五年

使家父求車於魯春三月王崩

左傳

子莊王立

史記

莊王 僖王

莊王名佗桓王子也莊王二年

桓十七年

冬十月朔日有食

之三年

桓十八年史記作四年

周公黑肩欲殺莊王而立王子克

莊王

弟子儀

辛伯

周大夫

告王王殺周公王子克奔燕四年

莊元

使榮叔

周大夫

如魯追錫桓公命六年

莊三年

夏五月葬桓

王九年

莊六年

王人子突救衛

諸侯伐衛納衛侯朔王救之

十一年

莊八

年齊無知弑其君諸兒襄十三年齊滅譚莊十
年

十五年莊十王崩子僖王立史記

秋宋萬弑其君捷閔公僖王名胡齊僖王元年莊十齊

人滅遂二年莊十單伯會齊伐宋夏楚滅息四年莊十

曲沃伯并晉王使虢公命曲沃伯以一軍為晉侯左傳

五年莊十王崩子惠王立莊僖崩葬經傳不書
七年
故失日月
史記

惠王

惠王名閔僖王子也惠王元年莊十春虢公林晉侯獻
八年
公

來朝王享醴命之宥皆賜玉五穀馬三匹使原莊公逆王后于陳陳嬀歸于京師實惠后三月日有食之二年

莊十初王姚嬖于莊王生子頹有寵及惠王即位取為

九年

國之圃以為圃又取邊伯之宮奪子禽祝跪屠父田而

收膳夫石速之秩故為國等作亂因蘇氏秋五大夫奉

子頹以伐王不克出奔溫

按史記以惠王奔溫非是

蘇子奉子頹奔

衛衛師燕師伐周立子頹三年

莊二十年

鄭伯

厲公

和王室不

克遂以王歸王處于櫟秋王及鄭伯入于鄆遂入成周

取其寶器而還四年

莊二十一年

鄭伯號叔同伐王城殺王

子頹及五大夫鄭伯享王于闕西王與之武公之畧自

虎牢以東五月王巡虢守虢公為王宮于珽王與之酒

泉鄭伯之享王也王以后之鞶鑑予之虢公請器王子

之爵鄭伯由是始惡于王冬王歸自虢六年

莊二十三年祭

叔如魯聘八年

莊二十五年

夏六月辛未朔日有食之九年

莊二十六年冬十二月癸亥朔日有食之十年

莊二十七年

使召

伯廖賜齊侯

桓公

命且請伐衛以其立子頹也十二年

莊二十二年

十九年 樊皮叛周大夫 明年虢公執樊皮歸于京師十五年

莊三十二年 秋八月魯莊公薨慶父殺公子般十六年閔元 晉滅耿

滅霍滅魏十七年閔二 魯慶父弑其君啟方閔公左傳

二十二年僖五 王以惠后故將廢太子鄭而立大叔帶夏齊侯桓公 帥

諸侯會王太子鄭于首止以定其位王恨齊杜預注

秋諸侯盟王使宰孔召鄭伯文公 曰吾撫女以從楚輔

之以晉可以少安鄭伯逃歸不盟楚滅弦九月戊申

朔日有食之冬晉滅虢滅虞二十四年僖七 閏月王

崩

左傳 史記作二十五年 按惠王實以二十四年閏月崩 襄王懼叔帶之難 明年十二月始赴告諸侯

襄王 頃王 匡王

襄王名鄭惠王太子也惠王崩太子鄭惡太叔帶之難

懼不立不發喪而告難於齊二十五年僖八年春王人會

諸侯盟于洮襄王定位而後發喪元年僖九年夏宰孔會

諸侯于葵丘王使宰孔賜齊侯胙冬晉里克殺其君之

子奚齊二年僖十年春秋滅溫晉里克殺其君卓夏四月周

公忌父周卿士王子黨周大夫會齊隰朋立晉侯惠公三年僖十年

一使召武公內史過賜晉侯命夏戎伐京師入王城焚

東門大叔帶召之也秦晉伐戎以救周秋晉侯平戎于

王四年

僖十年

春三月庚午日有食之夏楚滅黃秋王以

戎難故討大叔帶帶奔齊冬齊侯使管夷吾平戎于王

使隰朋平戎于晉

史記作三年

五年

僖十年

齊使仲孫湫來聘

且言王子帶事畢不與王言復命曰王怒未怠不十年

王弗召也七年

僖十年

夏五月日有食之八年

僖十年

內史

叔興聘于宋秋王以戎難故告于齊

十一年以來戎遂為王室難

齊

征諸侯而戍周九年

僖十七年

魯滅項十一年

僖十九年

梁亡

秦取

也

十三年

僖二十一年

邾滅須句十四年

僖二十二年

大叔帶自

齊復歸于京師

富辰言于王
王召之也

十六年

僖二十四年

晉立公子

重耳殺其君圉鄭伐滑王請滑鄭執王使王怒將以狄

伐鄭富辰

大夫

諫不聽使頹叔桃子

二子周大夫

出狄師伐鄭

王德狄人將以其女為后富辰諫又不聽卒以其女為

后是為隗氏大叔帶通于隗氏王替隗氏頹叔桃子遂

奉大叔帶以狄師攻王王出及坎瑤國人立帶狄師伐

周大敗周師獲周公忌父原伯毛伯富辰王遼鄭處于
汜大叔帶以隗氏居于溫冬王使告難于魯曰不穀不
德得罪于母弟之寵子帶鄙在鄭地汜敢告叔父王使
簡師父告于晉使左鄢父告于秦鄭伯省視官具于汜
十七年僖二十五年春衛滅邢三月晉侯文逆王王入於王
城殺大叔帶於隰城晉侯朝王王享醴命之宥請隧闕地
通路曰隧弗許曰王章也未有代德而有二王亦叔父
王葬禮也之惡也

國語晉文公既定襄王於邲請隧王弗許曰昔我先王之有天下也規方千里以為甸服以供上帝山川百神之祀以備百姓兆民之用以待不庭不虞之患其餘以均分公侯伯子男使各有寧宇以順及天地無逢其災害先王豈有賴焉內官不過九御外官不過九品足以供給神祇而已豈敢厭縱其耳目心腹以亂百度亦唯是生死之服物采章以臨長百姓而輕重布之王何異之有今天降禍災于周室余一人

僅亦守府又不佞以勤叔父而班先王之大物以賞私德其叔父實應且憎以非余一人余一人豈敢有愛也先民有言曰改玉改行叔父若能光裕大德更姓改物以創制天下自顯庸也而縮取備物以鎮撫百姓余一人其流辟于裔土何辭之與有若猶是姬姓也尚將列為公侯以復先王之職大物其未可改也叔父其茂昭明德物將自至余敢以私勞變前之大章以忝天下其若先王與百姓何何政令之為也

若不然叔父有地而隧焉余安能知之

與之陽樊溫原攢茅之田十八年

僖二十六年

楚滅夔二十

年

僖二十八年

夏四月晉敗楚師于城濮還作王宮于踐土

五月諸侯朝于王所獻楚俘于王王享晉侯策命晉侯

為侯伯賜之大輅之服戎輅之服彤弓一彤矢百鉞弓

矢千秬鬯一卣虎賁三百人

史記以賜文公河內地及珪鬯弓矢為伯均在襄王

十七年誤

曰王謂叔父敬服王命以綏四國糾遯王慝癸亥

王子虎

周太宰王叔文公

盟諸侯于王庭曰皆獎王室無相害

也冬諸侯會于溫晉侯召王以諸侯見且使王狩仲尼

書曰天王狩于河陽言非其地也二十一年僖二十九年夏

王子虎會諸侯於翟泉二十二年僖二十二年使周公閱聘於

魯魯使公子遂來聘二十五年僖三十四年秦滅滑二十六

年文元年二月癸亥日有食之使叔服周內史會魯葬葬僖公

夏使毛伯衛卿士錫魯侯命文楚世子商臣弑其君成王顯

二十八年文三年夏四月王子虎卒卿士不卒襄王時卒

卷時冬十二月楚伐江王叔桓公卿士王子虎之子會晉伐楚

係也

以救江三十九年

文四年

楚滅江三十年

文五年

使榮叔如

魯舍且賜召昭公會魯葬

葬莊公妾成風

秋楚滅六冬滅蓼三

十三年

文八年

秋八月襄王崩

史作三十二年

子頃王立頃王名

壬臣頃王元年

文九年

春毛伯衛如魯求金二月葬襄王

二年

文十年

蘇子卿士及魯盟于女栗六年

文十四年

春頃王崩

周公閱與王孫蘇爭政故不赴諸侯子匡王立匡王名

班秋七月閱將與蘇訟於晉王叛蘇使尹氏卿士與聘啟

夫訟閱于晉晉平王室而復之齊公子商人弑其君舍

九月使單伯如齊為魯請子叔姬齊人執之匡王元年

文十五年六月辛丑朔日有食之齊許單伯請單伯如魯致

命二年文十六年楚人秦人巴人滅庸冬宋人弑其君杵臼

昭三年文十七年甘歆大敗戎於邠垂四年文十八年齊人弑其

君商人懿公莒弑其君庶其紀公六年宣二年晉趙盾弑其君

夷臯冬十月匡王崩弟定王立左傳

定王

定王名瑜匡王之弟也定王元年宣三年春正月葬匡王

楚子

莊王伐陸渾之戎至雒王使王孫滿
大勞之楚子問

鼎對曰在德不在鼎二年

宣四年

鄭公子歸生弑其君夷

靈四年

宣六年

使子服

大夫

求后於齊冬召桓公逆后於齊

五年

宣七年

諸侯盟於黑壤王叔桓公

卿士

臨之以謀不睦

六年

宣八年

楚人滅舒蓼秋七月甲子日有食之既七年

宣九年

王使徵聘於魯夏仲孫蔑來聘王以為有禮厚賄

之八年

宣十年

夏四月丙辰日有食之陳夏徵舒弑其君

平國

靈公

王季子

王母弟劉康公

報聘於魯十年

宣十二年

楚滅蕭十

三年

宣十五年

王孫蘇與召氏毛氏爭政殺召戴公及毛伯

衛立召襄夏晉滅赤狄潞氏十四年

宣十六年

春晉士會滅

赤狄甲氏及留吁來獻狄俘王以黻冕命士會將中軍

且為大傅夏成周宣榭火

成周洛陽宣榭講武屋

秋毛召之難故

王室復亂王孫蘇奔晉晉復之使士會來平王室十五

年

宣十七年

六月癸卯日有食之十七年

成元

晉侯平戎于

王單襄公朝

卿士

如晉拜成劉康公季子伐茅戎敗績

公穀

並曰晉

十八年

成二

晉使鞏朔來獻齊捷

敗齊師于鞏

王弗

見使單朝辭焉曰蠻夷戎狄不式王命淫湎毀常王命
伐之則有獻捷王親受而勞之所以懲不敬勸有功也
兄弟甥舅侵敗王略王命伐之告事而已不獻其功所
以敬親暱禁淫慝也今叔父克遂有功於齊而不使命
卿鎮撫王室所使來撫余一人而鞏伯實來未有職司
於王室又奸先王之禮余雖欲於鞏伯其敢廢舊典以
忝叔父夫齊甥舅之國而大師之後也寧不亦淫從其
欲以怒叔父抑豈不可諫誨鞏朔不能對王使委于三

吏

三公也

以鞏朔宴而私賄之曰非禮也勿籍二十一年

年

成五

定王崩子簡王立

左傳

簡王 靈王

簡王名夷定王子也簡王三年

成八年

召桓公如魯賜魯

侯

成公

命六年

成十一年

周公楚惡惠襄

惠王襄王之族

之偪且與伯

與

卿士

爭政出奔晉晉卻至與周爭鄆田王命劉康公季

子單襄公朝訟諸晉晉使卻至勿敢爭八年

成十三年

諸侯

來朝劉康公成肅公會晉侯

厲公

伐秦十一年

成十六年

夏六

月丙寅朔日有食之尹武公會諸侯伐鄭冬十一月晉

使卻至來獻楚捷

敗楚師於鄢陵

十二年

成十七年

尹武公單襄公

及諸侯伐鄭自戲童至於曲洧冬十二月丁巳朔日有

食之楚滅舒庸十三年

成十八年

晉欒書中行偃弑其君州

蒲十四年

襄元年

秋九月簡王崩子靈王立靈王名泄

心靈王元年

襄二年

春正月葬簡王二年

襄三年

單頃公

卿士

及諸侯同盟於雞澤四年

襄五年

王使王叔陳生

卿士愬戎

於晉晉人執之士魴來京師言陳生貳於戎五年

襄六年

莒滅鄆冬齊滅萊九年

襄十年

晉滅偃陽冬王叔陳生與

伯輿

亦卿士

爭政王右伯輿陳生奔晉單靖公為卿士以

相王室十一年

襄十年

王求后於齊齊侯靈公許昏王使陰

里夫結之十三年

襄十年

春二月乙未朔日有食之王使

劉定公夏

官師

賜齊侯命曰昔伯舅大公右我先王股肱

周室師保萬民世胙大師以表東海王室之不壞繫伯

舅是賴今余命女環

靈公名

茲率舅氏之典纂乃祖考無

忝乃舊敬之哉無廢朕命十四年

襄十年

劉夏從單靖公

逆王后於齊秋八月丁巳日有食之十九年

襄二十一年冬十

月丙辰朔日有食之二十年

襄二十一年

秋九月庚戌朔日

有食之冬十月庚辰朔日有食之二十二年

襄二十三年春

二月癸酉朔日有食之

左傳

穀洛闕將毀王宮王欲壅之太子晉諫曰不可防闕川

以飾宮是飾亂而佐闕也王卒壅之

國語

二十三年

襄二十四年

秋七月甲子朔日有食之既八月癸

巳朔日有食之冬齊人城邾

王城也

魯叔孫豹來聘且賀

城王嘉其有禮賜之大路二十四年襄二十五年齊崔杼弑

其君光莊公秋楚滅舒鳩二十五年襄二十六年衛甯喜弑其

君剽殤公晉韓起來聘二十六年襄二十七年冬十一月乙亥

朔日有食之經作十二月失閏故二十七年襄二十八年冬十二月靈

王崩子景王立左傳

景王

景王名貴靈王之子也景王元年襄二十九年夏五月葬靈

王鄭使印段來會葬二年襄三十年蔡世子般弑其君固景公

僂括

靈王弟僂季之子

欲立王子佞夫

景王弟

佞夫弗知尹言多

五大夫等殺佞夫僂括奔晉三年

襄三十一

莒人弑其君

密州

犁比公

四年

昭元年

諸侯大夫會於虢王使劉定公夏

勞晉趙武於潁七年

昭四年

楚滅潁十年

昭七年

夏四月甲

辰朔日有食之秋八月衛侯卒

襄公

王使成簡公

卿如衛

弔且追命襄公曰叔父陟恪在我先王之左右以佐事

上帝余敢忘高圉亞圉

二圉周之先也

十一年

昭八年

楚滅陳

昭十

三年十二年

昭九年

周甘人與晉閻嘉爭閻田晉人率陰

戎伐潁王使詹桓伯辭於晉

辭責讓也

曰我自夏以后稷魏

駘芮岐畢吾西土也及武王克商蒲姑商奄吾東土也

巴濮楚鄧吾南土也肅慎燕亳吾北土也吾何邇封之

有文武成康之建母弟以蕃屏周亦其廢隊是為豈如

弁髦而因以敝之先王居櫛杙于四裔以禦螭魅故允

姓之姦

陰戎之祖

居于瓜州伯父惠公歸自秦而誘以來使

偁我諸姬入我郊甸則戎馬取之戎有中國誰之咎也

后稷封殖天下今戎制之不亦難乎伯父圖之我在伯

父猶衣服之有冠冕木水之有本原民人之有謀主也

伯父若裂冠毀冕拔本塞原專棄謀主雖戎狄其何有

余一人晉致闔田反潁俘王亦執甘大夫襄以說於晉

晉人禮而歸之十四年

昭十一年單成公

卿會晉韓起於戚

冬楚滅蔡

昭十三年復之

十五年

昭十二年

晉滅肥原輿人逐原伯

絞

大夫

而立其弟跪尋絞奔郊

周地

甘悼公過

卿

將去成景

之族

成景皆過之先君

成景之族賄劉獻公

亦卿

殺甘悼公而

立成公之孫緡十六年

昭十三年

楚公子比弑其君虔

靈公

子棄疾殺公子比劉獻公會諸侯於平邱十八年

昭十五年

夏六月丁巳朔日有食之太子壽卒秋八月穆后崩

太子

壽母冬十二月晉荀躒來葬穆后籍談為介既葬除喪以

荀躒宴樽以魯壺王求葬器於晉荀躒揖籍談談不能

對二十年

昭十七年

夏六月甲戌朔日有食之晉使屠蒯來

請有事於雒與三塗乃警戎備秋九月晉滅陸渾其衆

奔甘鹿

周地

周大獲二十一年

昭十八年

毛得殺毛伯過

過大夫得

過之族而伐之

左傳

王將鑄大錢單穆公旗卿諫曰不可絕民用以實王府猶塞川

原而為潢污也其謁無日矣王不聽卒鑄大錢國語

二十二年

昭十九年

許世子止弑其君買

左傳

二十三年

昭二十年

王將鑄無射

鐘名

單旗曰不可作重幣以

絕民資又作大鐘以鮮其繼三年之中有離民之器二

馬國其危哉王弗聽

國語

左氏作二十四年今從國語

二十四年

昭二十一年

秋七月壬午朔日有食之二十五年

昭二十二年

王子朝

景王長庶子

有寵於王欲立之單旗劉狄

獻劉

公子伯金惡子朝願去之夏四月王田北山使公卿皆從將

殺單劉王崩

史記作二十年

子悼王立

左傳

悼王 敬王

悼王名猛景王之子也景王太子壽卒王立子猛後王

子朝

景王長庶子

賓起

子朝傳

有寵於景王王與賓起說之欲

立之景王二十五年

昭二十二年

王崩子猛立遂攻賓起殺

之盟羣王子于單氏夏六月葬景王王子朝作亂單穆

公旗逆王子于莊宮以歸王子還

子朝黨

夜取王以如莊宮

單旗出王子還與召伯奭

亦子朝黨

奉王以追單旗旗殺還

及羣王子子朝奔京伐之敗績單旗欲告急於晋秋七

月以王如平時

周地

遂如圍車次于皇冬十月晋師納王

於王城十一月子猛卒謚曰悼王敬王立敬王名匄悼王

之母弟也敬王館於子旅氏十二月癸酉朔日有食之

閏月晋師取前城王師伐京敬王元年

昭二十三年

王師晋

師圍郊郊鄩潰王使告閒

子朝敗故告閒暇於晋

晋師還夏四月

王居於狄泉

在王城之東左傳

謂之東王子朝入於王城謂之西王

杜預注

二年

昭二十
四年

晉使士彌牟涖問故夏五月乙未朔日有

食之六月子朝攻瑕及杏

瑕杏敬
王邑

皆潰三年

昭二十
五年

尹

文公

子朝
黨

焚東訾

敬王
邑

弗克四年

昭二十
六年

單旗如晉告

急王城人劉人戰於施谷劉師敗績秋七月劉卷

卿士
即文

公伯
孫

以王出次於滑晉師納王冬十月王起師於滑十

一月晉師克鞏召伯盈逐子朝逆王入於成周盟於襄

宮晉師戍周而還子朝奔楚

史記景王愛子朝欲立之會崩子丐之黨與爭立國人立子猛子朝攻殺猛猛為悼王晉人攻子朝而立丐是為敬王敬王元年晉人入敬王不得入居澤四年晉率諸侯入敬王子朝為臣十六年子朝之徒復作亂敬王奔於晉十七年晉遂入敬王 說與左氏

異

五年

昭二十七年

吳弑其君僚秋晉士鞅會諸侯之大夫於

扈令戊周七年

昭二十九年

王殺召伯盈尹氏固及原伯魯

之子

皆子朝黨

王子趙車叛陰不佞

大敗之

八年

昭三年

吳滅

徐九年

昭三十一年

冬十二月辛亥朔日有食之十年

昭三十二年

年王使富辛石張

並周大夫

如晉請城成周天子曰天降禍

於周俾我兄弟並有亂心以為伯父憂我一二親昵甥

舅不皇啟處於今十年勤戍五年余一人無日忘之閔

閔焉如農夫之望歲懼以待時伯父若肆大惠復二文

之業弛周室之憂徼文武之福以固盟主宣昭令名則

余一人有大願矣昔成王合諸侯城成周以為東都崇

文德焉今我欲徵福假靈于成王修成周之城俾戍人
無勤諸侯用寧螫賊遠屏晉之力也其委諸伯父使伯

父實重圖之俾我一人無徵怨於百姓而伯父有榮施

先王庸之十一年定元年晉合諸侯城成周歸諸侯之戍

十二年定二年鞏氏子弟賊鞏簡公卿士十四年定四年春三

月劉卷會諸侯於召陵侵楚沈人不會夏蔡滅沈秋七

月劉卷卒十五年定五年王人殺子朝於楚三月辛亥朔

日有食之十六年定六年鄭滅許夏四月偃翩率王子朝

之徒因鄭人以作亂鄭伐我馮滑胥靡負黍狐人闕外

晉戍周城胥靡冬十二月王處於姑猶

周地

十七年

定七年

僖翩叛夏四月單武公

單旗子

劉桓公

劉卷子

敗尹氏於窮

谷

尹氏復黨僖翩

冬十一月單武公劉桓公逆王晉籍秦送王

入於王城十八年

定八年

單武公劉桓公伐穀城儀栗簡

城孟以定王室二十二年

定十年

冬十一月丙寅朔日有

食之二十三年

定十三年

薛弒其君比二十四年

定十四年

楚滅

頓秋王使石尚如魯歸賑二十五年

定十五年

楚滅胡秋八

月庚辰朔日有食之二十八年

哀三年

殺莒弘

晉趙鞅討其黨范氏

三十一年

哀六年

齊陳乞弑其君荼三十三年

哀八年

宋滅

曹三十八年

哀十三年

單平公

卿士

會諸侯於黃池三十九年

哀十四年

夏五月庚申朔日有食之六月齊人弑其君壬

公簡

四十一年

哀十六年

衛侯

莊公

入衛使鄢盼來告王使單平公

對曰盼以嘉命來告余一人往謂叔父余嘉乃成世復

爾祿次敬之哉方天之休弗敬弗休悔其可追夏四月

孔子卒四十二年

哀十七年

楚滅陳四十四年

哀十九年

王崩子

元王立

左傳世族譜敬王四十二年崩在哀十七年史記周本紀十二諸侯年表并以四十二年崩

贊曰天厭周德東遷寄王懇懇修德懼猶失焉廼淫昏繼寵兄弟迭秉惠臨子顏之難而終之以叔帶景離佞夫之厄而終之以子朝遂致居櫟次滑守器靡終悲夫書曰殷鑒不遠身之不鑒殷何有乎然始禍造姦首自子克匪惟黑肩是尤實致嘆於桓王也

元王 貞王 哀王 思王 考王

元王名仁敬王之子也元王三年

哀二十二年

越滅吳八年

哀二十王崩
七年

杜預世族譜敬王四十二年崩子元王十年春秋之
傳終 按史記周本紀皆云元王八年崩杜氏蓋上
縮敬王之二年以益元王故為十年也

子貞王立貞王名介

史記貞作定帝王世紀作貞定國語亦作定章昭注定當作貞貞王

名介敬王子也世本亦作定魯哀二十年定王介崩子元王亦立 按世本章注二說皆以定王為敬王子子元王為定王子與史說異

十六年三晉滅智伯分有其地

今遵史記而以定為貞

二十八年貞王崩長子去疾立是為哀王哀王立三月

弟叔襲殺哀王而自立為思王思王立五月少弟嵬攻

殺思王而自立是為考王

帝王世紀
作考哲王

此三王皆貞王之

子考王十五年崩子威烈王立

史記

威烈王 安王 烈王

威烈王名午二十三年九鼎震始命韓魏趙為諸侯二

十四年崩子安王立是歲盜殺楚聲王

史記

安王名驕三年王子定奔晉虢山崩壅河五年日有食之

通鑑

韓嚴仲殺韓相俠累陽豎與馬道周

亡過周

王本文作周
君按其時

周尚未分不得謂安王為周君也留之十四日載以乘車駟馬而遣之

韓使人讓周王患之客謂王正語之曰寡人知嚴氏之為賊而陽監與之故留之十四日以待命也小國不足以容賊君之使又不至是以遣之也

國策

十一年齊田和遷其君貸康公於海上食一城十六年初

命田和為諸侯二十年日有食之既二十三年田氏滅

齊二十六年王崩子烈王立烈王名喜元年日有食之

韓滅鄭五年韓嚴遂弑其君哀侯六年齊威王來朝七年

日有食之王崩

史記作十年王崩

子顯王立

通鑑

顯王 慎靚王

顯王名扁顯王五年秦獻公敗三晉之師於石門王賜

以黼黻之服

通鑑 史記賀秦獻公獻公稱伯

九年致文武胙於秦孝公二十五年秦會諸侯於京師

二十六年王致伯於秦孝公

通鑑秦會諸侯於達澤以朝王

三十三年

賀秦惠王三十五年致文武胙於秦惠王四十四年秦

初稱王其後諸侯皆為王四十八年王崩子慎靚王立

慎靚王名定慎靚王三年宋初稱王六年崩子赧王立

史記

西周

西周微弱載記闕如史記東西合紀國策雖分載而文有混淆今依國策原文其顯誤者釐正之編年姑因史記通鑑他事分見諸臣傳中

赧王 西周桓公 威公 惠公 武公

赧王名延

帝王世紀
赧王名誕

初考王封其弟於河南

帝王世紀
考哲王封

弟揭於河南是為西周桓公以續周公之官職桓公卒子威

公代立威公卒子惠公代立乃封其少子於鞏以奉王

號東周惠公王赧時東西周分治王赧徙都西周

史記

西周武公之共太子死有五庶子毋適立司馬翦

楚卿謂

楚王

懷王

曰何不封公子咎而為之請太子左成

楚人

曰不

可周不聽是公之智困而交絕於周也不如為周君曰

孰欲立也微告翦翦令楚資之以地果立公子咎為太

子

國策 國策又以楚王為齊王公子咎為周最左成為左尚兩存其說

八年秦攻宜陽楚救之而楚以周為秦故將伐周蘇代

說楚王乃止

詳見蘇代傳史記

十四年日有食之既

通鑑

十五年楚圍雍氏韓徵甲與粟於周

史記作東周與國策異

周君

患之告蘇代代說韓不徵甲與粟於周且與周高都十

七年齊薛公田文為韓魏攻楚又與韓魏攻秦而藉兵

乞食於周韓慶

韓人仕周者

謂田文曰君為韓魏攻楚取宛

葉以北今又攻秦以益之韓魏南無楚憂西無秦患則

地廣而益重齊必輕矣夫本末更盛虛寔有時竊為君

危之君不如令敝邑陰合為秦無籍兵乞食君臨函谷而無攻令敝邑謂秦王曰薛公所以進兵者欲王令楚割東國以與齊而秦出楚王

懷王

以為和秦得無攻而以

楚之東國免必欲之楚王出必德齊齊得東國而益強而薛世世無患田文曰善使三國無攻秦而不籍兵乞食於周三國攻秦反周恐魏之藉道也為西周謂魏王

哀王

曰楚宋不利秦之聽三國也

聽猶順從也

彼且攻王之聚

以利秦魏王懼令軍設舍速東二十二年秦攻魏犀武於

伊闕進兵而攻周周君之魏求救魏許之成或為周最
謂趙李兌曰君不如禁秦之攻周趙之上計莫如今秦
魏復戰秦攻周而得衆必傷欲持周之得必不攻魏秦
攻周而不得前有勝魏之勞後有攻周之敗又必不攻
魏今君禁之而全趙令其止必不敗不聽是吾却秦而
定周也秦去周必復攻魏魏不支必因君而講則君重
矣若魏不講而疾支之是君存周而戰秦魏也重亦在

趙國
策

楚欲與齊韓連和伐秦因欲圖周王赧使武公謂楚相
昭陽曰三國以兵割周郊地以便輸而南器以尊楚臣
以為不然夫弑共主臣世君大國不親以衆脅寡小國
不附大國不親小國不附不可以致名實名實不得不
可以傷民夫有圖周之聲非所以為號也昭陽曰乃圖
周則無之雖然周何故不可圖也曰軍不五不攻城不
十不圍夫一周為二十晉公之所知也韓嘗以二十萬
之衆辱於晉之城下銳士死中士傷而晉不拔公無百

韓以圖周此天下之所知也夫怨結於兩周以塞鄒魯之心交絕於齊聲失天下其事危矣危兩周以厚三川川方城之外必為韓弱矣何以知其然也西周之地絕長補短不過百里名為天下共主裂其地不足以肥國得其衆不足以勁兵雖無攻之名為弑君然而好事之君喜攻之臣發號用兵未嘗不以周為終始是何也祭器在焉欲器之至而忘弑君之亂臣恐天下以器讎楚也臣請譬之夫虎肉臊其兵利身人猶攻之也若使澤

中之麋蒙虎之皮人之攻也必萬之於虎裂楚之地足以肥國詘楚之名足以尊主今子將以欲誅殘天下之共主居三代之傳器吞三翮六翼以為世主非貪而何周書曰欲起無先故器南則兵至矣於是楚計輟不行四十二年秦破華陽約秦昭王使胡傷擊魏將芒卯華陽破之馬犯說梁

梁城周

史記

楚兵在山南

山吳岳也

伍得

楚將

將為楚王屬怨於周或謂周

君曰不如令太子將軍正迎伍得於境而君自郊迎令

天下皆知君之重伍得也因泄之楚曰周君所以事伍
得者器必名曰謀楚王必求之而伍得無効也王必罪
之秦興師臨周而求九鼎周君患之以告顏率顏率東
獻鼎而借救於齊齊大發師救周而秦兵罷齊將求九

鼎顏率復說之而齊兵亦罷

原本載東周紀中按東周居鞏非鼎之所在周策曰

西周者故天子之國也多名器重寶固知當屬西周也

秦召周君周君難往或謂

周君謂魏王

安釐

曰秦召周君將使攻魏之南陽

史記魏作韓南

陽韓地也

王何不出兵於河南周君聞之將為辭於秦而不

往周君不入秦秦必不敢越河而攻南陽國

策

五十九年秦取韓陽城負忝西周恐倍秦與諸侯約從將天下銳師出伊闕攻秦令秦無得通陽城秦昭王怒使將軍摎攻西周西周君奔秦頓首謝罪盡獻其邑三十六口三萬秦受其獻歸其君於周周君王赧卒

宋忠曰謚曰西周武公索隱蓋武公與王赧並卒故連言之宋說非劉伯莊曰謚法無赧輕微危弱寄住東西足為慚赧故號之曰赧帝王世紀赧王多負債

於民上臺以遊之名曰逃債臺雖陽南宮移臺是也
周民遂東亡秦取九鼎寶器而遷西周君於惡狐
史記

東周

惠公

東周惠公者西周惠公之少子也別封於鞏是為東周
東周與西周戰韓救西周為東周謂韓王襄王曰西周者

故天子之國也多名器重寶按兵而勿出可以德東周
西周之寶可盡矣東周與西周爭西周欲和於楚韓齊

明疑楚人謂東周君曰臣恐西周之與楚韓寶今之為已

求地於東周也不如謂楚韓曰西周之欲入寶持二端
今東周之兵不急西周西周之寶不入楚韓楚韓欲得
寶且趣我攻西周是我為楚韓取寶以德之也西周弱
矣秦假道於周以伐韓周恐假之而惡於韓不假而惡
於秦史廩謂周君曰君何不令人謂韓公叔曰秦敢絕
塞而伐韓者信東周也公何不與周地發重使之楚秦
必疑不信周是韓不伐也又謂秦王武王曰韓強與周地

將以疑周於秦秦必無辭令周弗受是得地於韓而聽

於秦也十五年楚攻雍氏周赧秦韓楚王懷怒周為周

謂楚王曰以王之強而怒周周恐必以國合於所與粟

之國是勁王之敵也故不如速解周恐彼前得罪而後

得解必厚事王矣趙取周之祭地周君患之鄭朝鄭人曰

臣請以三十金復取之周君子之鄭朝獻之趙太卜及

王病太卜曰周之祭地為祟趙乃還之十八年三晉隘

秦周令其相之秦以秦之輕也留其行有人謂相國曰

秦之輕重未可知也秦欲知三國之情公不如遂見秦

王曰請為王聽東方之處

鮑彪注處所為也

秦必重公是公重

周以取秦也齊重故有周而已取齊

有周猶善周言齊為天下重故當善

周而又取善於齊

是周當不失重國之交也

史記齊重則固有周聚以收齊正義周聚事齊而和於齊周故得齊重以周聚為人名

楚昭翦與東周惡或謂翦曰為公畫陰計翦曰何也曰

西周甚憎東周常欲東周與楚惡西周必令賊賊公因

宣言東周也以惡之於王也翦曰善遽和東周石行秦

周人謂秦大梁造

秦爵名鮑彪注蓋白起也

曰欲決霸王之名不如備

兩周辯智之士謂周君曰君不如令辯智之士為君爭

於秦

備者謹待之也爭者爭秦之卑周也國策

後七年秦莊襄王滅東西周東西周皆入於秦周不祀

史記

贊曰元王以還周擁虛器弁髦芻狗天下顯棄之至若

盜臣竊玉與國請命虎皮蒙羊霸王懼攻是文武之德

雖攜而餘緒如綫猶足繫屬一時予於其衰益見周德之盛也

尚史卷六

欽定四庫全書

尚史卷七

本紀六

鑲白旗漢軍李錯撰

秦本紀

始皇帝 二世皇帝

始皇帝者秦莊襄王子也莊襄王為秦質子於趙見呂不韋姬悅而取之生始皇以秦昭王四十八年正月生於邯鄲及生名為政姓趙氏年十三歲莊襄王死政代

立為秦王當是之時秦地已并巴蜀漢中越宛有郢置
南郡矣北收上郡以東有河東太原上黨郡東至滎陽
滅二周置三川郡呂不韋為相封十萬戶號曰文信侯
招致賓客游士欲以并天下李斯為舍人蒙騫王齕庶
公等為將軍王年少初即位委國事大臣晉陽反元年
將軍蒙騫擊定之二年庶公將卒攻卷斬首三萬三年
蒙騫攻韓取十三城齕死十月將軍蒙騫攻魏氏陽有
說歲大饑四年拔陽有說三月軍罷秦質子歸自趙趙

大子出歸國十月蝗天下疫百姓內粟千石拜爵一級
五年將軍騫攻魏定酸枣燕虛長平雍邱山陽城皆拔
之取二十城初置東郡六年韓魏趙衛楚共擊秦取壽
陵秦出兵五國兵罷拔韓迫東郡其君角率其支屬徙
居野王阻其山以保魏之河內七年彗星先出東方見
北方五月見西方將軍騫死以攻龍孤慶都還兵攻汲
彗星復見西方十六日夏太后死莊襄王母八年弟長安君
成蟜將軍擊趙反死屯留軍吏皆斬死遷其民於臨洮

將軍壁死卒叱留蒲鶮反戮其屍

謂成蟜反而死副將壁亦死其叱留蒲鶮

三邑之反卒雖死而復戮其屍

河魚大上輕車重馬東就食嫪毐封為

長信侯予之山陽地令毒居之宮室車馬衣服苑囿馳

獵恣毒事無大小皆決於毒又以河西太原郡更為毒

國九年彗星見或竟天攻魏垣蒲陽四月上宿雍己酉

王冠帶劍長信侯毒作亂而覺矯王御璽及太后璽以

發縣卒及衛卒官騎戎翟君公舍人將欲攻斬年宮為

亂王知之令相國昌平君昌文君發卒攻毒戰咸陽斬

首數百皆拜爵及宦者皆在戰中亦拜爵一級毒等敗走即令國中有生得毒賜錢百萬殺之五十萬盡得毒等衛尉竭內史肆佐弋竭中大夫令齊等二十人皆梟首車裂以徇滅其宗及其舍人輕者為鬼薪及奪爵遷蜀四千餘家家房陵四月寒凍有死者楊端和攻衍氏

魏邑

彗星見西方又見北方從斗以南八十日十年相國呂

不韋坐嫪毐免桓騎為將軍齊趙來置酒韓人鄭國來間秦鑿涇水為渠中作而覺大索逐客李斯上書說乃

止逐客令李斯因說王請先取韓以恐他國於是使斯下韓而李斯用事十一年王翦桓齮楊端和攻鄴取九城王翦攻閼與僚陽皆并為一軍翦將十八日軍歸斗食以下什推二人從軍取鄴安陽桓齮將十二年秋大旱六月至八月乃雨十三年桓齮攻趙平陽殺趙將扈輒斬首十萬王之河南正月彗星見東方十月桓齮攻趙十四年攻趙軍於平陽取宜安破之殺其將軍桓齮定平陽武城韓非使秦秦用李斯謀留非非死雲陽韓

王請為臣十五年大興兵一軍至鄴一軍至太原取狼
孟地動攻番吾李牧擊破秦軍南距韓魏十六年九月
發卒受地韓南陽假守騰初令男子書年魏獻地於秦
秦置麗邑十七年內史騰攻韓得韓王安盡納其地以
其地為郡命曰潁川地動華陽太后卒民大饑十八年
大興兵攻趙王翦將上地下井陘端和將河內羗疵伐
趙端和圍邯鄲城十九年王翦羗疵盡定取趙地東陽
得趙王引兵欲攻燕屯中山秦王之邯鄲諸嘗與王生

趙時母家有仇怨皆阮之秦王還從太原上郡歸始皇
帝母太后崩趙公子嘉率其宗數百人之代自立為代
王東與燕合兵軍上谷大饑二十年燕太子丹患秦兵
至國恐使荊軻刺秦王秦王覺之體解軻以徇而使王
翦辛勝攻燕燕代發兵擊秦軍秦軍破燕易水之西二
十一年王賁攻薊乃益發卒詣王翦軍遂破燕太子丹
軍取薊得太子丹之首燕王東收遼東而王之王翦謝
病老歸新鄭反昌平君徙於郢大雪雪深二尺五寸二

十二年王賁攻魏引河溝灌大梁大梁城壞其王請降
盡取其地二十三年秦王復召王翦強起之使將擊荆
取陳以南至平輿虜荆王秦王游至郢陳荆將項燕立
昌平君為荆王反秦於淮南二十四年王翦蒙武攻荆
破荆軍昌平君死項燕遂自殺二十五年大興兵王賁
將攻燕遼東得燕王喜還攻代虜代王嘉王翦遂定荆
江南地降越君置會稽郡五月天下大酺二十六年齊
王建與其相侯勝發兵守其西界不通秦秦使將軍王

賁從燕南攻齊得齊王建秦初并天下令丞相御史曰
異日韓王納地效璽請為藩臣已而倍約與趙魏合從
畔秦故興兵誅之虜其王寡人以為善庶幾息兵革趙
王使其相李牧來約盟故歸其質子已而倍盟反我大
原故興兵誅之得其王趙公子嘉乃自立為代王故舉
兵擊滅之魏王始約服入秦已而與韓趙謀襲秦秦兵
吏誅遂破之荆王獻青陽以西已而畔約擊我南郡故
發兵誅得其王遂定其荆地燕王昏亂其太子丹乃陰

令荆軻為賊兵吏誅滅其國齊王用后勝計絕秦使欲
為亂兵吏誅虜其王平齊地寡人以眇眇之身興兵誅
暴亂賴宗廟之靈六王咸伏其辜天下大定今名號不
更無以稱成功傳後世其議帝號丞相綰御史大夫劫
廷尉斯等皆曰昔者五帝地方千里其外侯服夷服諸
侯或朝或否天子不能制今陛下興義兵誅殘賊平定
天下海內為郡縣法令由一統自上古以來未嘗有五
帝所不及臣等謹與博士議曰古有天皇有地皇有泰

皇秦皇最貴臣等昧死上尊號王為秦皇命為制令為詔
天子自稱曰朕王曰去泰著皇采上古帝位號曰皇帝
他如議制曰可追尊莊襄王為太上皇制曰聞太古有
號毋謚中古有號死而以行為謚如此則子議父臣議
君也甚無謂朕弗取焉自今已來除謚法朕為始皇帝
後世以計數二世三世至於萬世傳之無窮始皇推終
始五德之傳

漢書齊人鄒子之徒論著終始五德之運

以為周得火德秦代周德從所不勝方今水德之始改
年始朝賀皆自十月朔衣服旌旌節旗皆上黑數以六
為紀符法冠皆六寸而輿六尺六尺為步乘六馬更名
河曰德水以為水德之始劉毅戾深事皆決於法刻削
母仁恩和義然後合五德之數於是急法久者不赦丞
相綰等言諸侯初破燕齊荆地遠不為置王母以填之
請立諸子唯上幸許始皇下其議於羣臣羣臣皆以為
便廷尉李斯議曰周文武所封子弟同姓甚衆然後屬

疏遠相攻擊如讐仇諸侯更相誅伐周天子弗能禁止
今海內賴陛下神靈一統皆為郡縣諸子功臣以公賦
稅重賞賜之甚足易制天下無異意則安寧之術也置
諸侯不便始皇曰天下共苦戰鬪不休以有侯王賴宗
廟天下初定又復立國是樹兵也而求其寧息豈不難
哉廷尉議是分天下以為三十六郡郡置守尉監更名
民曰黔首大酺收天下兵聚之咸陽銷以為鍾鐻金人
十二重各千石置廷宮中一法度衡石丈尺車同軌書

同文字地東至海暨朝鮮西至臨洮羌中南至北嚮戶
北據河為塞並陰山至遼東徙天下豪富於咸陽十二
萬戶諸廟及章臺上林皆在渭南秦每破諸侯寫放其
宮室作之咸陽北阪上南臨渭自雍門以東至涇渭殿
屋複道周閣相屬所得諸侯美人鍾鼓以充入之

三輔舊事始皇表河以為秦東門表汧以為秦西門
表中外殿觀百四十五後宮列女萬餘人氣上衝於
天

二十七年始皇巡隴西北地出鷄頭山過回中焉作信宮渭南已更命信宮為極廟象天極自極廟道通鄠山作甘泉前殿築甬道自咸陽屬之是歲賜爵一級治馳道二十八年始皇東行郡縣上鄒嶧山立石與魯諸儒生議刻石頌秦德其辭曰皇帝立國維初在昔嗣世稱王討伐亂逆威動四極武義直方戎臣奉詔經世不久滅六暴強二十有六年上薦高號孝道顯明既獻泰成乃降專惠親巡遠方登於嶧山羣臣從者咸思攸長追

念亂世分土建邦以開事理攻戰日作流血於野自泰
古始世無萬數阨及五帝莫能禁止迺今皇帝一家天
下兵不復起災害滅除黔首康定利澤長久羣臣誦畧
刻此樂石以著經紀史錄諸銘獨遺此篇其文稍遜諸
辭或子長故削之或後膺作今補
紀入議封禪望祭山川之事乃遂上泰山立石封祠祀下
風雨暴至休於樹下因封其樹為五大夫

封禪書即帝位三年東巡郡縣於是徵從齊魯之儒
生博士七十人至乎泰山下諸儒生或議曰古者封

禪為蒲車惡傷山之土石草木埽地而祭席用菹稽
言其易遵也始皇聞此議各垂異難施用由此絀儒
生而遂除車道上自泰山陽至巔立石頌秦始皇帝
德明其得封也從陰道下禪於梁父其禮頗采太祝
之祀雍上帝所用而封藏皆秘之世不得而記也始
皇之上泰山中阪遇暴風雨休於大樹下諸儒生既
絀不得與用於封事之禮聞始皇遇風雨則譏之

禪梁父刻所立石其辭曰皇帝臨位作制明法臣下修

飭二十有六年初并天下罔不賓服親巡遠方黎民登
茲泰山周覽東極從臣思迹本原事業祇誦功德治道
運行諸產得宜皆有法式大義休明垂於後世順承勿
革皇帝躬聖既平天下不懈於治夙興夜寐建設長利
專隆教誨訓經宣達遠近畢理咸承聖志貴賤分明男
女禮順慎遵職事昭隔內外靡不清淨施於後嗣化及
無窮遵奉遺詔永承重戒於是乃並勃海以東過黃腫
窮成山登之罘立石頌秦德焉而去南登琅邪大樂之

留三月乃徙黔首三萬戶琅邪臺下復十二歲作琅邪臺立石刻頌秦德明德意曰維二十六年皇帝作始端平法度萬物之紀以明人事合同父子聖智仁義顯白道理東撫東土以省卒士事已大畢乃臨於海皇帝之功勤勞本事上農除末黔首是富普天之下搏心揖志器械一量同書文字日月所照舟輿所載皆終其命莫不得意應時動事是維皇帝匡飭異俗陵水經地憂恤黔首朝夕不懈除疑定法咸知所辟方伯分職諸治經

易舉錯必當莫不如畫皇帝之明臨察四方尊卑貴賤
不踰次行姦邪不容皆務貞良細大盡力莫敢怠荒遠
邇辟隱專務肅莊端直敦忠事業有常皇帝之德存定
四極誅亂除害興利致福節事以時諸產繁殖黔首安
寧不用兵革六親相保終無寇賊驩欣奉教盡如法式
六合之內皇帝之土西涉流沙南盡北戶東有東海北
過大夏人迹所至無不臣者功蓋五帝澤及牛馬莫不
受德各安其宇維秦王兼有天下立名為皇帝乃撫東

土至於琅邪列侯武城侯王離列侯通武侯王賁倫侯
建成侯趙亥倫侯昌武侯成倫侯武信侯馮毋擇丞相
隗林丞相王綰卿李斯卿王戊五大夫趙嬰五大夫楊
樛從與議於海上曰古之帝者地不過千里諸侯各守
其封域或朝或否相侵暴亂殘伐不止猶刻金石以自
為紀古之五帝三王知教不同法度不明假威鬼神以欺
遠方實不稱名故不久長其身未歿諸侯倍叛法令不
行今皇帝并一海內以為郡縣天下和平昭明宗廟體

道行德尊號大成郡臣相與誦皇帝功德刻於金石以
為表經既已齊人徐市等上書言海中有三神山名曰
蓬萊方丈瀛洲仙人居之請得齋戒與童男女求之於
是遣徐市發童男女數千人入海求仙人

封禪書宋毋忌正伯僑充尚羨門子高最後皆燕人
為方僊道形解銷化依於鬼神之事自齊威宣燕昭
使人入海求蓬萊方丈瀛洲此三神山者傳在渤海
中去人不遠未至望之如雲及到三神山反居水下

臨之風輒引去終莫能至云及始皇至海上方士言之始皇使童男女入海求之船交海中皆以風為解金樓子始皇聞鬼谷先生言因遣徐福入海求金菜玉蔬并一寸椹十洲記拾遺記並荒誕不載

始皇還過彭城齋戒禱祠欲出周鼎泗水使千人沒水求之弗得

水經注周顯王時九鼎淪沒泗淵始皇時九鼎見於彭城始皇自以德合三代大喜使數千人沒水求之

不得所謂鼎伏也亦曰系而行之未出龍螭其系
故語曰稱樂太早絕鼎系

乃西南渡淮水之衡山南郡浮江至湘山祠逢大風幾
不得渡上問博士曰湘君何神博士對曰聞之堯女舜
之妻而葬此於是始皇大怒使荆徒三千人皆伐湘山
樹赭其山上自南郡由武關歸二十九年始皇東游至
陽武博浪沙中為盜所驚求弗得乃令天下大索十日
登之罘刻石其辭曰維二十九年時在中春陽和方起

皇帝東游巡登之罘臨照於海從臣嘉觀原念休烈追
誦本始大聖作治建定法度顯著綱紀外教諸侯光施
文惠明以義理六國回辟貪戾無厭虐殺不已皇帝哀
衆遂發討師奮揚武德義誅信行威燁旁達莫不賓服
烹滅強暴拔隸黔首周定四極普施明法經緯天下永
為儀則大矣哉宇縣之中承順聖意羣臣誦功請刻於
石表垂於常式其東觀曰維二十九年皇帝春游覽省
遠方逮於海隅遂登之罘昭臨朝陽觀望廣麗從臣咸

念原道至明聖法初興清理疆內外誅暴強武威旁暢
振動四極禽滅六王闡并天下萬害絕息永偃戎兵皇
帝明德經理宇內視聽不怠作立大義昭設備器咸有
章旗職臣遵分各知所行事無嫌疑首改化遠邇同
度臨古絕尤常職既定嗣後循業長承聖治羣臣嘉德
祇誦聖烈請刻之罽旋遂之琅邪道上黨入三十年無
事三十一年十二月更名臘曰嘉平

茅盈內記始皇三十一年九月庚子盈曾祖父蒙於華

山東雲駕龍白日升天先是其邑謠歌曰神仙得者
茅初成駕龍上升入秦清時下玄洲戲赤城繼世而
往在我盈帝若學之臘嘉平始皇聞謠歌欣然有尋
仙之志因改臘曰嘉平

賜黔首里六石米二羊始皇為微行咸陽與武士四人
俱夜出逢盜蘭池見窘武士擊殺盜關中大索二十日
米石千六百三十二年始皇之碣石使燕人盧生求羨
門高誓刻碣石門壞城郭決通隄防其辭曰遂興師旅

誅戮無道為逆滅息武殄暴逆文復無罪庶心咸服惠
論功勞賞及牛馬恩肥土域皇德奮威德并諸侯初一
泰平墮壞城郭決通川防夷去險阻地勢既定黎庶無
繇天下咸撫男樂其疇女修其業事各有序惠被諸產
久並來田莫不安所羣臣誦烈請刻此石垂著儀矩因
使韓終侯公石生求仙人不死之藥始皇巡北邊從上
郡入燕人盧生使入海還以鬼神事因奏錄圖書曰亡
秦者胡也始皇乃使將軍蒙恬發兵三十萬人北擊胡

畧取河南地三十三年發諸嘗逋亡人贅婿賈人略取
陸梁地為桂林象郡南海以遠遣戍西北斥逐匈奴自
榆中並河以東屬之陰山以為三十四縣城河上為塞
又使蒙恬渡河取高闕陶山北假中築亭障以逐戎人
徙謫實之初縣禁不得祠明星出西方三十四年遠治
獄吏不直者築長城及南越地

搜神記秦時築城於武周塞內以備胡城將成而崩
者數焉有馬馳走周旋反覆父老異之因依馬跡以

築城城乃不崩遂名馬邑水經注秦築長城死者相
屬民歌曰生男慎勿舉生女哺用脯不見長城下尸
骸相支挂淮南子秦皇挾錄圖見其傳曰亡秦者胡
也因發卒五十萬使蒙公揚武子將築修城西屬流
沙北擊遼水東結朝鮮中國內郡輓車餉之又利越
之犀角象齒翡翠珠璣乃使尉屠睢發卒五十萬為
五軍塞殫城之嶺一軍守九嶷之塞一軍處番禺之
都一軍守南野之界一軍結餘干之水三年不解甲

弛弩使監祿無以轉餉又以卒鑿渠而通糧道以與
越人戰殺西嘔君譚吁宋而越人皆入叢薄中與禽
獸處莫肯為秦虜相置桀駿以為將而夜攻秦人大
破之殺尉屠睢伏尸流血數十萬乃發遼戍以備之
始皇置酒咸陽宮博士七十人前為壽僕射周青臣進
頌曰他時秦地不過千里賴陛下神靈明聖平定海內
放逐蠻夷日月所照莫不賓服以諸侯為郡縣人人自
安樂無戰爭之患傳之萬世自古不及陛下威德始

皇悅博士齊人淳于越進曰臣聞殷周之王千餘歲封子弟功臣自為枝輔今陛下有海內而子弟為匹夫卒有田常六卿之臣無輔拂何以相救哉事不師古而能長久者非所聞也今青臣又面諛以重陛下之過非忠臣始皇下其議丞相李斯曰五帝不相復三代不相襲各以治非其相反時變異也今陛下創大業建萬世之功固非愚儒所知且越言乃三代之事何足法也異時諸侯並爭厚招游學今天下已定法令出一百姓當家

則力農工士則學習法令辟禁令諸生不師今而學古以非當世惑亂黔首丞相臣斯昧死言古者天下散亂莫之能一是以諸侯並作語皆道古以害今飾虛言以亂實人善其所私學以非上之所建立今皇帝并有天下別黑白而定一尊私學廼相與非法教人間令下則各以其學議之入則心非出則巷議夸主以為名異取以為高率羣下以造謗如此弗禁則主勢降乎上黨與成乎下禁之便臣請史官非秦記皆燒之非博士官所

職天下敢有藏詩書百家語者悉詣守尉雜燒之有敢
偶語詩書棄市以古非今者族吏知見不舉者與同罪
令下三十日不燒黔為城旦所不去者醫藥卜筮種樹
之書若欲有學法令以吏為師制曰可三十五年除道
道九原抵雲陽塹山堙谷直通之於是始皇以為咸陽
人多先王之宮廷小吾聞周文王都豐武王都鎬豐鎬
之間帝王之都也乃營作朝宮渭南上林苑中先作前
殿阿房東西五百步南北五十丈上可以坐萬人下可

以建五丈旗

三輔舊事阿房宮以磁石為門鑄銅人十二於宮前周馳為閣道自殿下直抵南山表南山之顛以為闕為復道自阿房渡渭屬之咸陽以象天極閣道絕漢抵營室也阿房宮未成咸欲更擇令名名之作宮阿房故天下謂之阿房宮徒刑者七十餘萬人乃分作阿房宮或作麗山發北山石桴乃寫蜀荆地材皆至關中計宮三百關外四百餘於是立石東海上胸界中以為秦東門

因徙三萬家麗邑五萬家雲陽皆復不事十歲

新書始皇作臺榭宮室則天下豪富制屋宅者莫不
倣之設房闥備庑庫繕雕琢刻畫之好博玄黃琦瑋
之色三輔黃圖始皇作咸陽宮因北陵營殿端門四
達以制紫宮象帝居引渭水灌都象天漢橫橋南
渡以法牽牛橋廣六尺南北二百八十步六十八間
八百五十柱二百一十二梁橋之西北隄繳立石柱
咸陽北至九峻甘泉南至鄠杜東至河西至汧渭之

交東西八百里南北四百里離宮別館相望聯屬木
衣綈繡土被朱紫宮人不移樂不改懸窮年忘歸猶
不能徧拾遺記始皇起雲明臺窮珍木搜巧工騰虛
緣木揮斤空中子時起工午時已畢秦人謂之子午
臺亦言於子午之地各起一臺

盧生說始皇曰臣等求芝竒藥仙者常弗遇類物有害
之者方中人主時為微行以辟惡鬼惡鬼辟真人至人
主所居而人臣知之則害於神真人者入水不濡入火

不藝陵雲氣與天地久長今上治天下未能恬淡願上所居宮毋令人知然後不死之藥殆可得也於是始皇曰吾慕真人自謂真人不稱朕乃令咸陽之旁二百里內宮觀二百七十復道甬道相連帷帳鍾鼓美人充之各案署不移徙行所幸有言其處者罪死始皇帝幸梁山宮從山上見丞相車騎衆弗善也中人或告丞相丞相損車騎始皇怒曰此中人泄吾語案問莫服當是時詔捕諸時在旁者皆殺之自是後莫知行之所在聽事

羣臣受決事悉於咸陽宮侯生盧生相與謀曰始皇為
人天性剋戾自用起諸侯并天下意得欲從以為自古
莫及已專任獄吏獄吏得親幸博士雖七十人特備員
弗用丞相諸大臣皆受成事倚辦於上上樂以刑殺為
威天下畏罪持祿莫敢盡忠上不聞過而日驕下懾伏
謾欺以取容秦法不得兼方不驗輒死然侯星氣者至
三百人皆良士畏忌諱諛不敢端言其過天下之事無
小大皆決於上上至以衡石量書日夜有呈不中呈不

得休息貪於權勢至如此未可為求仙藥於是乃亡去
始皇聞亡乃大怒曰吾前收天下書不中用者盡去之
悉召文學方術士甚衆欲以興太平方士欲練以求奇
藥今聞韓衆去不報徐市等費以巨萬計終不得藥徒
姦利相告日聞盧生等吾尊賜之甚厚今乃誹謗我以
重吾不德也諸生在咸陽者吾使人廉問或為詖言以
亂黔首於是使御史悉案問諸生諸生傳相引告乃自
除犯禁者四百六十餘人皆阮之咸陽使天下知之以

懲後益發謫徙邊始皇長子扶蘇諫始皇怒使扶蘇北
監蒙恬於上郡三十六年熒惑守心有墜星下東郡至
地為石黔首或刻其石曰始皇帝死而地分始皇聞之
遣御史逐問莫服盡取石旁居人誅之因燔銷其石始
皇不樂使博士為仙真人詩及行所游天下傳令樂人
誦弦之秋使者從關東夜過華陰平舒道有人持璧遮
使者曰為吾遺瀉池君因言曰今年祖龍死使者問其
故因忽不見置其璧去使者奉璧具以聞始皇默然良

久曰山鬼固不過知一歲事也退言曰祖龍者人之先也
也使御府視璧乃二十八年行渡江所沉璧於是始皇
卜之卦得游徙吉遷北河榆中三萬家拜爵一級三十
七年十月癸丑始皇出游左丞相斯從右丞相去疾守
少子胡亥愛慕請從上許之十一月行至雲夢望祀虞
舜於九疑山浮江下觀籍柯渡海渚過丹陽至錢塘臨
浙江水波惡乃西百二十里從狹中渡上會稽祭大禹
望於南海而立石刻頌秦德其文曰皇帝休烈平一字

內德惠修長三十有七年親巡天下周覽遠方遂登會稽宣省習俗黔首齋莊羣臣頌功本原事迹追首高明秦聖臨國始定刑名顯陳舊章初平法式審別職任以立恒常六王專倍貪戾傲猛率衆自強暴虐恣行負力而驕數動甲兵陰通間使以事合從行為辟方內飾詐謀外來侵邊遂起禍殃義威誅之殄熄暴悖亂賊滅亡聖德廣密六合之中被澤無疆皇帝并宇兼聽萬事遠近畢清運理羣物孝驗事實各載其名貴賤並通善否陳

前靡有隱情飾省宣義有子而嫁倍死不貞防隔內外
禁止淫佚男女絜誠夫為寄殲殺之無罪男秉義程妻
為逃嫁子不得毋感化廉清大治濯俗天下承風蒙被
休經皆遵度軌和安敦勉莫不順令黔首修潔人樂同
則嘉保太平後敬奉法常治無極輿舟不傾從臣頌烈
請刻此石光垂休銘

茅盈內記始皇游會稽還於句曲良常山北埋白壁
一雙深七尺李斯刻篆壁文云始皇聖德平章山河

巡狩蒼川勒名素壁

還過吳從江乘渡並海上北至琅邪方士徐市等入海
求神藥數歲不得費多恐譴乃詐曰蓬萊藥可得然常
為大鯨魚所苦故不得至願請善射與俱見則以連弩
射之始皇夢與海神戰如人狀問占夢博士曰水神不
可見以大魚蛟龍為侯今上禱祠備謹而有此惡神當
除去而善神可致乃令入海者齋捕巨魚具而自以連
弩候大魚出射之自琅邪北至榮成山弗見至之眾見

巨魚射殺一魚遂並海西至平原津而病始皇惡言死
羣臣莫敢言死事上病益甚乃為璽書賜公子扶蘇曰
與喪會咸陽而璽書已封在中車府令趙高行符璽事
所未授使者七月丙寅始皇崩於沙邱平臺

論衡孔子遺讖曰不知何一男子自謂秦始皇上我
之堂踞我之牀顛倒我衣裳至沙邱而亡後始皇至
魯觀孔子之宅至沙邱而崩 誣聖殊甚始皇亦未
嘗至魯

丞相斯為上崩在外恐諸公子及天下有變乃秘之不發喪棺載輜涼車中故幸宦者驂乘所至上食百官奏事如故宦者輒從輜涼車中可其奏事獨子胡亥趙高及所幸宦者五六人知上死趙高故嘗教胡亥書及獄律令法事胡亥私幸之高乃與公子胡亥丞相斯陰謀破去始皇所封書賜公子扶蘇者而更詐為丞相斯受始皇遺詔沙邱立子胡亥為太子更為書賜公子扶蘇蒙恬數以罪賜死

詳李斯傳

行遂從井陘抵九原會暑上輜

車臭乃詔從官令車載一石鮑魚以亂其臭行從直道至咸陽發喪太子胡亥襲位為二世皇帝九月葬始皇鄜山始皇初即位穿治鄜山及并天下天下徒送詣七十餘萬人穿三泉下銅而致棺宮觀百官奇器珍怪徙臧滿之令匠作機弩矢有所穿近者輒射之以水銀為百川江河大海機相灌輸上具天文下具地理以人魚膏為燭度不滅者久之二世曰先帝後宮非有子者出焉不宜皆令從死死死者甚衆葬既已下或言工匠為機

藏皆知之藏重即泄大事畢已藏閉中羨下外羨門盡

閉工匠藏者無復出者樹草木以象山

史記

三秦記酈山陵周迴跨陰盤縣界水背陵障使東西
流運大石於渭北渚民怨之作甘泉之歌曰運石甘
泉口渭水不敢流千人唱萬人謳金陵餘石大如塹
關中記始皇陵在酈山泉本北流障使東西流有土
無石取大石於渭北諸山水經注始皇厚葬建壙於
麗山之戎一名藍田其陰多金其陽多玉蔡質漢儀

李斯治驪山陵上書云臣所將隸徒七十二萬人治驪山者已深已極鑿之不入燒之不難扣之空空如下天狀帝報之曰鑿之不入燒之不然其旁行三百丈乃止皇覽墳高五十餘丈周迴五里餘

二世皇帝元年年二十一趙高為郎中令任用事二世下詔增始皇寢廟犧牲及山川百祀之禮令羣臣議尊始皇廟羣臣皆頓首言曰古者天子七廟諸侯五大夫三雖萬世世不軼毀今始皇為極廟四海之內皆獻貢

職增犧牲禮咸備毋以加先王廟或在西雍或在咸陽
天子儀當獨奉酌祠始皇廟自襄公已下軼毀所置凡
七廟羣臣以禮進祠以尊始皇廟為帝者祖廟皇帝復
自稱朕

新書胡亥之為公子詔置酒饗羣臣召諸子賜食先
罷胡亥下陛視羣臣陳杖履善者因行殘敗而去諸
侯聞之莫不太息及二世即位皆知天下必棄之

二世與趙高謀曰朕年少初即位黔首未集附先帝巡

行郡縣以示強威服海內今晏然不巡行即見弱母以
臣畜天下春二世東行郡縣李斯從到碣石並海內南
至會稽而盡刺始皇所立刻石石旁著大臣從者名以
章先帝成功盛德爲皇帝曰金石刻盡始皇帝所爲也
今襲號而金石刻辭不稱始皇帝其於久遠也如後嗣
爲之者不稱成功盛德丞相臣斯臣去疾御史大夫臣
德昧死言臣請具刻詔書刻石因明白矣臣昧死請制
曰可遂至遼東而還於是二世乃遵用趙高申法令乃

陰與趙高謀曰大臣不服官吏尚強及諸公子必與我爭為之奈何高曰臣固願言而未敢也先帝之大臣皆天下累世名貴人也積功勞世以相傳久矣今高素小賤陛下幸稱舉令在上位管中事大臣鞅鞅特以貌從臣其心實不服今上出不因此時案縣郡守尉有罪者誅之上以振威天下下以除去上平生所不可者今時不師文而決於武力願陛下遂從時無疑即羣臣不及謀明主收舉餘民賤者貴之貧者富之遠者近之則上

下集而國安矣二世曰善乃行誅大臣及諸公子以罪
過連逮少近官三郎無得立者而六公子戮死于杜公
子將閭昆弟三人皆自殺宗室振恐羣臣諫者以為誹
謗大吏持祿取容黔首振恐四月二世還至咸陽曰先
帝為咸陽朝廷小故營阿房宮為室堂未就會上崩罷
其作者復土鄠山鄠山事大畢令釋阿房宮弗就則是
章先帝舉事過也復作阿房宮外撫四夷如始皇計盡
徵其材士五萬人為屯衛咸陽令教射狗馬禽獸當食

者多度不足下調郡縣轉菽粟芻藁皆令自齎糧食咸陽三百里內不得食其穀用法益刻深七月戌卒陳勝等反故荆地為張楚勝自立為楚王居陳遣諸將徇地山東郡縣少年苦秦吏皆殺其守尉令丞反以應陳涉相立為侯王合從西鄉名為伐秦不可勝數也謁者使東方來以反者聞二世二世怒下吏後使者至上問對曰羣盜郡守尉方逐捕今盡得不足憂上悅武臣自立為趙王魏咎為魏王田儼為齊王沛公起沛項梁舉兵

會稽郡二年冬陳涉所遣周章等將西至戲兵數十萬
二世大驚與羣臣謀曰奈何少府章邯曰盜已至衆強
今發近縣不及矣酈山徒多請赦之授兵以擊之二世
乃大赦天下使章邯將擊破周章軍而走遂殺章曹陽
二世益遣長史司馬欣董翳佐章邯擊盜殺陳勝城父
破項梁定陶滅魏咎臨濟楚地盜名將以死章邯乃北
渡河擊趙王歇等於鉅鹿趙高說二世曰先帝臨制天
下久故羣臣不敢為非進邪說今陛下富於春秋初即

位奈何與公卿廷決事事即有誤示羣臣短也天子稱朕固不聞聲於是二世常居禁中與高決諸事其後公卿希得朝見盜賊益多而關中卒發東擊盜者毋已右丞相去疾左丞相斯將軍馮劫進諫曰關中羣盜並起秦發兵誅擊所殺亡甚衆然猶不止盜多皆以戍漕轉作事苦賦稅大也請且止阿房宮作者減省四邊戍轉二世曰吾聞之韓子曰堯舜采椽不刮茅茨不翦飯土塼啜土形雖監門之養不轂於此禹作龍門通大夏決

河亭水故之海身自持築宙脰毋毛臣虜之勞不烈於
此矣凡所為貴有天下者得肆意極欲主重明法下不
敢為非以制御海內矣夫虞夏之主貴為天子親處窮
苦之實以徇百姓尚何于法朕尊萬乘毋其實吾欲造
千乘之駕萬乘之屬充我號名且先帝起諸侯兼天下
天下已定外攘四夷以安邊境作宮室以章得意而君
觀先帝功業有緒今朕即位二年之間羣盜並起君不
能禁又欲罷先帝之所為是上毋以報先帝次不為朕

盡忠力何以在位下去疾斯刼吏案責他罪去疾刼曰
將相不辱自殺斯卒囚就五刑三年章邯等將其卒圍
鉅鹿楚上將軍項羽將楚卒往救鉅鹿冬趙高為丞相
竟案李斯殺之夏章邯等戰數却二世使人讓邯邯恐
使長史欣請事趙高弗見又復信欣恐亡去高使人捕
追不及欣見邯曰趙高用事於中將軍有功亦誅無功
亦誅項羽急擊秦軍虜王離邯等遂以兵降諸侯八月
己亥趙高欲為亂恐羣臣不聽乃先設驗持鹿獻於二

世曰馬也二世笑曰丞相誤邪謂鹿為馬問左右左右或默或言馬以阿順趙高或言鹿者高因陰中諸言鹿者以法後羣臣皆畏高高前數言關東盜毋能為也及項羽虜秦將王離等鉅鹿下而前章邯等軍數却上書請益助燕趙齊楚韓魏皆立為王自關以東大氏盡畔秦吏應諸侯諸侯咸率其衆西鄉沛公將數萬人已屠武關使人私於高高恐二世怒誅及其身乃謝病不朝見二世夢白虎齧其左驂馬殺之心不樂怪問占夢卜

曰涇水為祟二世乃齋於望夷宮欲祠涇沉四白馬使
使責讓高以盜賊事高懼乃陰與其壻咸陽令閻樂其
弟趙成謀曰上不聽諫今事急欲歸禍於吾宗吾欲易
置上更立公子嬰子嬰仁儉百姓皆載其言使郎中令
為內應詐為有大賊令樂召吏發卒追劫樂毋置高舍
遣樂將吏卒千餘人至望夷宮殿門縛衛令僕射曰賊
入此何不止衛令曰周盧設卒甚謹安得賊敢入宮樂
遂斬衛令直將吏入行射郎宦者大驚或走或格格者

輒死死者數十人郎中令與樂俱入射上幄坐幃二世
怒召左右左右皆惶擾不聞旁有宦者一人侍不敢去
二世入內謂曰公何不早告我乃至於此宦者曰臣不
敢言故得全使臣早言皆已誅安得至今閻樂前即二
世數曰足下驕恣誅殺無道天下共畔足下足下其自
為計二世曰丞相可得見否樂曰不可二世曰吾願得
一郡為王弗許又曰願為萬戶侯弗許曰願與妻子為
黔首比諸公子閻樂曰臣受命於丞相為天下誅足下

足下雖多言臣不敢報麾其兵進二世自殺閻樂歸報
趙高趙高乃悉召諸大臣公子告以誅二世之狀曰秦
故王國始皇君天下故稱帝今六國復自立秦地益小
乃以空名為帝不可宜為王如故便立二世之兄子公
子嬰為秦王以黔首葬二世杜南宜春苑中令子嬰齋
當廟見受玉璽齋五日子嬰與其子二人謀曰丞相高
殺二世望夷宮恐羣臣誅之乃詳以義立我我聞趙高
乃與楚約滅秦宗室而王關中今使我齋見廟此欲因

廟中殺我我稱疾不行丞相必自來來則殺之高使人
請子嬰數輩子嬰不行高果自往曰宗廟重事王奈何
不行子嬰遂刺殺高於齋宮三族高家以徇咸陽子嬰
為秦王四十六日楚將沛公破秦軍入武關遂至霸上
使人約降子嬰子嬰即係頸以組白馬素車奉天子璽
符降軹道旁沛公遂入咸陽封宮室府庫還軍霸上居
月餘諸侯兵至項籍為從長殺子嬰及秦諸公子宗族
遂屠咸陽燒其宮室虜其子女收其珍寶貨財諸侯共

金定四庫全書
分之秦竟滅矣

史記

贊曰秦德金虎負踞西鄉其帝天下也建擊電爍沴氣
旁行要非四時之正矣而學者繫之大統上承有周不
亦惑乎乃若兼天下逮二世裁十有七年其毀井田廢
封建墮典滅籍私器大物決三代之防使不可卒復者
秦罪至深世乃以法制矩彘訓謬矣

尚史卷七